

南平縣誌卷之九

名宦

嘗讀

高宗純皇帝御製詩不爲己甚去太甚一語蓋遠邁陶堯之神人暢焉不爲己甚天德也去其太甚王道也其萬世治法之祖乎某先生又嘗語予以四要四勿曰要惜名勿沽名要近情勿徇情要解事勿喜事要任怨勿斂怨夫三代下恐不好名名其果可憑耶孔子治魯靡裘謗焉子產相

南平縣誌

卷之九

名宦

一

鄭孰殺歌焉爲治當取千百年之全模而統計之區區爲旦夕計以求名非政也傳云爲善者無近名漢循吏所居無赫赫名所去嘗見思楊慎曰王之民忘久而思霸之民驩久而疑漢書安靖之吏悃悞無華日計不足月計有餘其果以赫赫名定品焉否或難之曰若子言將以爲怨府者稱好官乎予應之曰孔子有言鄉人之善者好之其不善者惡之此品之所以定也南山有臺之詩曰樂只君子民之父母夫父母之

於子爲子者未嘗日讚揚其父母之美以諛父
母也父母愛之勞之呵責之皆恩也日侍父母
則忘之刻離父母則思之矣召伯循行南國聽
訟於甘棠下不止亭舍民思其人愛其樹焉鄭
風之美在位必曰節儉正直若海瑞之辨申棖
黜鄉愿巖巖乎以筆架得名殆與崑玉秋霜比
潔焉可也真彝齋悍吏逐洵循最之首弁冕焉
奚愧哉其他興建改作蚤德蚤功耳且多誤如
其舊錄之亦善善從長意云志名宦

名宦

元

眞寶字朝用號彝齋蒙古人由崇安主簿擢政和達魯花赤律已嚴而待物恕郡縣疑獄行省必以屬之廉訪使按縣至松溪輒返曰不須往政和眞君在也改調南平政和士民紀其政績爲泰和善政錄旣莅南平民歌之曰眞彝齋早不來田棄稼穡家棄孩天之腹從民欲彝齋下車悍吏逐風雨適時歲成熟閩中學校頽廢憲使

南平縣誌

卷之九

名宦

三

檄行修舉之乃清積蠹隱田以廩多士士民愛之如父母僚吏敬之如神明後官至監察御史明

劉居信楊州人洪武初知南平廉慎勤敏撫恤凋瘵凡百建置俱有條理尤急於興學勵士清譽播於列郡

朱孟常字守常餘姚人洪武中鄉貢知南平性愷悌爲政不事苛刻有古循吏風劇寇趙子貴爲民患捕置之法西芹河泊魚課歷歲逋負奏蠲

之江西民兵採木南平饑餓瀕死賑之以粟時遣中官至縣督催木尙未脩苛急駭擾常極力安撫中官夜夢神告曰若第去朱令在何憂中官覺悉以付常常從容處置事集而民不擾

徐中鄞縣人正統間知南平縣慈惠廉明不事箠楚一毫不取於民民甚悅服

歐陽興安福人景泰間知南平性行簡靜先德化而後鞭撲莅任四載致仕歸

王貫南海人成化初以舉人知南平政務德化民

南平縣誌

卷之九

名宦

四

有爭訟者反覆開諭使自感息貧民逋租更爲規措以償政聲藉藉以疾卒民哀思之

蘓昭宜都人童時日記千言成化中知南平有政聲致仕歸人以厚德名其里

陸嵩字如嵩歸安人洪治丙辰進士由羅源令調知南平政務便民義所當爲不避艱難憫南邑衝疲申革祗候庫子重役興學校勸齋舍以造士政暇登高時傳佳什稱爲儒林良吏值歲旱偕守孫衍禱雨龍湫雨至徒步却蓋行十餘里

與守同時感疾卒民如喪考妣祀名宦祠又與
孫合祀永慕祠嘉靖間嵩孫穩以刑部郎來閩
卹刑拜祠下人榮慶之

江良貴字汝思貴溪人洪治乙丑進士知南平振
作有爲縣治舊在西關外良貴內遷之以便守
禦召爲監察御史民立祠祀之

鄭貴濂字宗周歸善人正德中由舉人知南平興
利除弊不務炫耀政善而民安之陞南昌通判
去後民思不置

南平縣誌

卷之九

名宦

五

伍偉漢陽人舉人嘉靖中知南平樂易近民鄉民
有避役逃匿者逮至不加鞭撻溫言諭之遂樂
趨恐後表徐貞婦墓雪順昌民冤政教大行擢
潞州守

張燾南昌人嘉靖間任南平令冲曠和易諸務節
省刑罰不苛當事責之燾曰吾寧去矣不以百
姓膏脂承上旨政暇吟咏自暢

符希曾字曰唯感恩人萬歷辛卯知南平有吏才
批決如流悉中情理編審豁丁均役不避權勢

一切羨餘毫無所取士民誦之

段然江夏人起家進士爲南平令首加惠青衿獎孝義旌節烈禁車剝捕訟師尤長於辨疑獄緝訪賭盜大書榜其門親自省耕勤課察軍黃二冊弊藪竭慮條畫兩臺刊式八閩政成調常熟攀卧者遮道

堵維垣無錫人由進士知南平萬歷甲午歲大侵多方議賑全活者衆革餽遺陋規興起斯文入覲斧資不給鬻家產克費內艱歸邑人思其德

南平縣誌

卷之九

名宦

六

祠祀焉

陳夢麟歸安人由鄉選知南平清操自勵却餽送斥羨餘值吳建以白蓮教惑衆露夜巡警不時啟門納鄉民奔竄者及平躬詣巢穴撫集逃亡奉檄會審被誣者咸與昭雪以勞卒官檄祀陸公嵩祠

徐久德上饒人由選貢授府推署邑篆值歲荒發粟賑貸勤於課土所刻有劍水錄遷南京工部主政郡人建祠置田祀之

王道焜杭州人天啟辛酉舉人令南平廉明敏給
善理煩劇考最陞同知聞李自成陷北京縊於
家

祁熊佳字文載紹興人崇禎庚辰進士令南平博
學有吏才追徵嚴革火耗令民自封投櫃雨暘
不時隨禱輒應月申鄉約朔望與諸生講明道
學見時事孔棘招募鄉勇習騎射嚴武備仕宦
往來江干舊例撥夫守宿索夫價名爲折乾百
姓苦之熊佳悉行汰去及行取士民遮道泣送
南平縣誌 名宦
卷之九
不忍去

國朝

汪蘅字仇懷湖廣人順治己丑進士知南平縣博
學工詩文作興學校立耕瑶社勤會課故事子
衿謁見皆持手版蘅第令投刺以揚士氣才長
政敏士民德之

章世德池州人康熙壬戌進士知南平縣時久困
大當雖經憲禁猶未盡革世德至力爲奉行積
害遂除編審虛丁悉豁免之縣當四衝往來輻

輶皆躬親支應不令擾民以勞卒官卒之日獄中繫囚有號哭失聲者

朱夔字舜一奉天鑲白旗人康熙五十六年三月莅任廉敏明察寬嚴互濟吏畏民懷待百姓如赤子拊循燠咻惟恐或傷而鋤強懲暴不少寬假然當其罪而止無多求也每折一獄閭邑誦明允焉積穀舊多浮額胥隸中飽爲數不貲於村落愚民苛索尤甚鄉里苦之侯於常額十八石外無所取民間歲免徵穀以千石計至於絕包苴杜請託案無留牘役鮮奸貪緝盜禁賭中夜巡行雖嚴寒不輟善政難以悉數於清慎勤三字洵無忝云

許廷璠臨桂人由舉人知南平縣爲治息事寧人訟獄一清邑苦虛糧廷璠查出逃絕空田一百四十餘頃魚課米七十餘石具詳豁免又因就糧勻丁南邑丁多田少不敷勻派仍攤通縣壯丁完納貧民不堪會編審之期徃復請命詳免浮丁銀三千二百一十八兩續復請豁缺額田

內無徵丁銀三百六十五兩士民戴德立碑頌之

劉辰駿武進人以庠生薦舉賢良方正授將樂令調繁閩縣轉補南平潔己愛民尤慎於獄多所平反尋以艱解任巡道張坦延爲道南山長師模端肅郡名宿多徃從之書院之興蓋由之始蘓渭生新平人由舉人以軍功選授南平知縣勤於政治率多振興廣修學宮自祠廟以及道路橋樑悉捐金葺治李文靖朱文公特祠未有祭

南平縣誌

卷之九

名宦

九

項詳請動支地租春秋致祭建育嬰堂區畫欸項以贍祿母量移海疆值賔興猶寄金爲諸生卷費勤勤於愛士如此

李浚源山陰人由舉人令南平寬和愛士恬淡恤民在任六載邑人德之

王裕增仁和人乾隆中以進士令永安丙戌夏署南平蒞治精明庭無留獄

張爲鈞安鄉人由副貢令長樂乾隆丁亥秋署南平歎儉自持加意學校清出禮門基址以復舊

規未週回任長樂送者遮道

倪慶成都人由舉人令南平甫下車課士問俗禁
賭鋤強廉獲盜賊以六畜塗其面奸邪斂跡民
賴以安

教諭

何鼎鄞縣人成化中爲南平教諭勤於訓迪六載卒於官生徒哀慟櫬歸相送百餘里

黃淑廬陵人由胄監教諭南平善啟迪明義利尤工於詩與尹陸嵩倡和以憂去

韓源慈谿人舉人正德中教諭南平謹厚自持師模端重不屑較微利而常周諸生之急啟迪時勤士無不率教者陞南國子監學正多士思之李曰芳從化人正德中教諭南平文藻富贍多題

南平縣誌

卷之九

名宦

十一

咏善草書訓士勤篤陞長汀知縣

張存誠饒平人舉人嘉靖中教諭南平性質直無町畦與諸生講論不厭有不率從容誨諭無忤色人稱長者遷國子助教

夏汝礪融縣人舉人司教南平和易可親待諸生以誠賢愚皆獲其益或有過輒嚴飭之能改卽禮遇如初士心悅服

海瑞字汝賢廣東瓊山人嘉靖己酉舉於鄉入都卽伏闕上平黎策欲開道置縣以靖鄉土識者

壯之署南平教諭御史詣學宮屬吏咸伏謁瑞獨長揖曰堂謁當以屬禮此堂師長教士地不當屈因著論曰孟子言爲貧而仕者非也抱關擊柝委吏乘田無在非道而尤莫如教職蓋人才所由造而世運所由理其職亦何尊且難乃稱爲貧哉自世沿此說不察故居此官者多媿媿不舉其職士習蠱而吏治媮所從來矣平居教士揭申棖剛者之辨鄉愿忠信廉潔之似古人不見諸侯之守以砥礪之學使者臨學諸生

南平縣誌

卷之九

名宦

十二

講書中有借美言以獻媚者加倍獲賞瑞斥之曰以聖賢書曲說媚人他日容悅之臣必若矣卽奪其賞遷淳安令入爲戶部主事抗疏直諫世宗下之獄隆慶初累官南京右都御史卒贈太子少保謚忠介瑞生平爲學以剛爲主因自號剛峯天下稱剛峰先生

鮑承堪樂清人嘉靖中教諭南平有師嚴道尊之槩

黃榜烏程人萬歷間任南平諭性孝友迎母於官

舍每食必具甘脆撫諸弟無私蓄代巡李樂榜友也嘗駐節於郡榜絕無私謁在任三載以親老乞休郡守管大勲書孝廉風遠四字贈之諸生惓惓臨別多有下淚者

余光辰福清人順治辛卯舉人教諭南平模範端整啟迪不倦嘗修飾先師廟齋廡甲寅之變嘔血而卒康熙十六年祀名宦

訓導

方夢龍宣城人隆慶間司訓南平豪爽能文月課諸生孜孜不倦品題甲乙皆厭衆心屢署他篆毫無所染歷湖州通判

黃元寀寧德人司訓南平勤慎寡言笑謂釋菜菲薄非尊祀先師禮捐俸爲倡約諸生賔興者割坊價共置田增設春秋祀品復於學宮後山培植材木以庇宮牆遷壽寧諭庠生立碑頌德
袁希白福寧人司訓南平每月課士自辦供具所

獎拔咸得人，不問修脗而食貧有行者，力造就之。祀先師，必求豐腆，出橐金以佐。每有頒賜，悉加封貯，以購學田。左遷歸，猶解裝助建雙塔，諸生勒碑頌之。

分縣

劉嘒，萬州人。天順間，任南平丞。寬惠謙謹，禮遇賢士，創廟學，修壇壝，區畫有方。蒞官六載，致仕。何昌楸，山陰人。爲南平丞，分駐峽陽。潔清自好，從不妄准一詞。有投牒者，必反覆開示，俾知感悟。

南平縣誌

卷之九

名宦

十四

不至終訟，胥役皆欲退去。後署縣，篆清操，愈勵。陞羅源令，卒。

巡檢

李生光，順天人。順治間，任大歷巡檢。甫蒞任，密訪不軌者，戒以自新。不孝者，痛懲以法。俗有以符咒托神惑衆者，聞生光至，遁去。自是所轄無姦民。

典史

湯恩武，進人。嘉靖中，任南平典史。廉能有聲，獲上

得民艱於嗣息歎曰吾無子也錢何爲但令南
邑後世知有湯典史耳及歸民立碑以志去思
主簿

王益子元貞中爲南平簿持身廉潔以文學飾事
士民敬愛之

楊忠青州人洪武間任南平簿廉靜質直不苟同
於人而加意卹民禮士輿論高之

姚泰泰州人天順間任南平簿廉介公平催科不
擾愛民如子餽遺一無所受去之日行李蕭然

南平縣誌

卷之九

名宦

十五

覃彬馬平人洪治間由監生爲南平簿剛明果斷
不避權要遇事敢爲吏畏民服隄守旌以聯云
清慎持身與百姓秋毫無犯公勤蒞政以一人
數事常兼三載乞休去